

یوہ آکا شوانی جموں ہے محمد امین انجم تے محمد مبارک ماہر تیں خبر سٹو۔ پہلاں خاص خاص خبر۔

- *1۔ وزیر اعظم نریندر مودی نے کہیو ہے جے بی جے پی واسطے بہتر سرکار اک روزہ پروگرام نہیں بلکہ سرکاراں غی شناخت ہے۔
- *2۔ مرکزی وزیر داخلہ امت شاہ نے نکسل واد غو مقابلو کرن اور جموں کشمیر تے شمال مشرقی ریاستاں مانہ امن بحال کرن واسطے سی آر پی ایف غا کم غی تعریف کی۔
- *3۔ دنیا گا دوجا حصاں غی طرفوں جموں کشمیر مانہ وی کرسمس مذہبی جوش و جذبہ نال مانیو گیو۔
- *4۔ تے وادی کشمیر مانہ ٹھنڈ بدھ گئی ہے۔ سرینگر مانہ درجہ حرارت منفی 7 عشریہ 3 ڈگری سلیس تک پُچ گیو۔

خبراں غی تفصیل نال پہلاں محمد امین انجم۔

PM MP

وزیر اعظم نریندر مودی نے کہیو ہے جے بی جے پی واسطے بہتر سرکار اک روزہ پروگرام نہیں بلکہ سرکاراں غی شناخت ہے۔ بی جے پی حکومتاں غو دوجی جماعتاں غی سرکاراں نال مقابلو کرن بارے گل کرتاں واں جناب مودی نے کہیو ہے جے بی جے پی نے بہتر سرکار تے لگن آلیے پاسے ہمیشہ محنت کی ہے۔ جناب مودی آج مدھیہ پریش مانہ اک پروجیکٹ غو نی پتھر رکھن تیں بعد اک اجتماع نال خطاب کر رہیا تھا۔ یوہ پروگرام سابق وزیر اعظم اٹل بھاری واجپائی غا 1 سواں جنم تہاڑا تقریب غی علامت ہے۔ یوہ تہاڑو ہر بہرے بہتر سرکار تہاڑا غا طور ور مانیو جائے۔ سابق وزیر اعظم اٹل بھاری واجپائی غی یاد سانجھی کرتاں واں وزیر اعظم نریندر مودی نے کہیو ہے اٹل جی ہمیشہ بہتر سرکار اور بہتر خدمت غی تحریک غو ذریعہ رہیا ہیں۔ جناب مودی نے 1 ہزار 1 سو اٹل گرام سوشلسن بھوناں غی بھومی پوجن وی کی۔ بائٹ۔ جناب مودی نے اٹل بھاری واجپائی غی یادمانہ اک ڈاک ٹکٹ اور سیگو وی جاری کیو۔ بائٹ۔

PM SVAMITRA

وزیر اعظم نریندر مودی جمعہ غے تہاڑے ”سوامیتوا“ اسکیم غے تحت 50 لکھ تیں متا جنیاد کا رڈ تقسیم کریں گا۔ اس سلسلہ مانہ وزیر اعظم اسکیم تیں مستفید ہون آلا افراد نال گل وی کریں گا، مذکورہ اسکیم غے تحت حقوق غو اک ریکارڈ جا نداد مالک نانہ سونیو جائے گو۔ پنچایتی راج بارے وزارت نے کہیو ہے جے سوامیتوا اسکیم زمین مالکاں غی مدد کرے گی۔ اخباری نمائنداں نال گل کرتاں واں پنچایتی راج غا سیکریٹری وویک بھردواج نے اُجاگر کیو ہے اس سکیم غے تحت تقریباً 3 لکھ 17 ہزار گرائیاں غو معائنو ڈراؤن غے ذریعے کیو گیو ہے۔

Shah CRPF

مرکزی وزیر داخلہ امت شاہ نے آج کہیو ہے جے سی آر پی ایف نے نکسل وادی غو مقابلو کرن اور شمال مشرقی ریاستاں اور جموں کشمیر مانہ امن اور استحکام بحال کرن مانہ قابل تعریف کم کیو ہے۔ جناب شاہ نے یوہ وی کہیو ہے جے سی آر پی ایف نے ملک مانہ اندروانی سلامتی تے امن یقینی بنان مانہ اہم کردار ادا کیو ہے۔ وزیر داخلہ سی آر پی ایف غا صدر مقامات غو دورو کرتاں واں بول رہیا تھا۔ جت انہاں نے بشمول ڈائریکٹر جنرل انش دیال سنگھ سینر افسراں نال ملاقات کی۔ دورہ غے دوران جناب شاہ نے سی آر پی ایف اور انتظامیہ اہلیت غو مفصل جائزہ لیو۔ سی آر پی ایف غا سربراہ نے

دستاغاً شہید جوانان گا گنہ غی بہتری واسطے عملائی جا رہی بکھ بکھ بہبودی اسکیمیں بارے وزیر داخلہ نانہ جانکاری دتی۔ وزیر داخلہ امت شاہ نے دستہ غا روز مرہ غا کم کاج مانہ ہندی زبان غا بابدا واسطے اس غا استعمال غی اہمیت ور زور پایو۔ وزیر داخلہ نے جوانان نانہ کہیو جے ویں آیو ر ویدتیں فائدو حاصل کریں تے پراکرتی پرکشن ابھیان مانہ حصو لین۔

Shah PACS

مرکزی وزیر برائے امداد باہمی امت شاہ نے اج نوی دہلی مانہ دس ہزار تیں متی قائم کی گئی کثیر مقاصد بنیا دی ذراعت تعاون سنگتوں، ڈیری تے مچھلی پالان بارے اشتراکی امداد باہمی نانہ قوم غے ناں وقف کیں۔ وزیر موصوف نے امداد باہمی غی اک قومی کانفرنس غے دوران اندراجی سند روپے کسان کریڈٹ کارڈاں تیں علاوہ مائیکرو اے ٹی ایم وی نوی بنائی گئی تعاون سنگتوں مانہ بنڈیا۔ یہ مالیاتی وسیلا پنچایتان مانہ لین دین بارے خدمات مانہ آسان رسائی فراہم کرن تے مالی شراکتداری نانہ بابو دین غا سلسلہ مانہ بنایا گیا ہیں۔ یہ وسیلا گرائیں آبا دی نانہ بکھ بکھ اسکیمیں تیں فائدو چاہن تے ملک غی معاشی ترقی مانہ حصولین غے قابل بناویں گا۔

Dwivedi Grief

بھارتی فوج غا سربراہ جنرل اُندرہ دیویدی تے بھارتی فوج غا تمام عہدیداران نے کل شام ضلع پونچھ غی تحصیل منکوٹ غا بلنوی علاقہ مانہ اک افسوس ناک سڑک حادثہ مانہ صوبیدار دیا نند تیراکانوار، لانس حوالدار انوپ، نائیک گھاجے شہم سمڈھن، سپاہی نکورے دیگمیر تے سپاہی مہیش میریگونڈ غا نقصان ور ڈنگا دکھ غو اظہار کیو ہے۔ مذکورہ جوان ضلع پونچھ غی سرحد ور اپنی خدمات انجام دے رہیا تھا۔ بھارتی فوج غم غی اس گھڑی مانہ سوگوار گنہ سنگ ہمدردی تے ڈونگا دکھ غو اظہار کر رہی ہے۔

Flag March Katra

کٹڑا مانہ 72 گھنٹاں گا بند غا جواب مانہ جموں کشمیر پولیس تے نیم فوجی دستاں غا جوانان سمیت حفاظتی دستاں نے فلیگ مارچ کیو۔ اس کاروائی غو مقصد امن و قانون غی صورتحال برقرار رکھن تے ات رہن آلا لوکاں اور یا تریاں نانہ حفاظت غی پھر یقین دہانی کرنوتھو۔ مہاراضلع نمائندہ غے مطابق یوہ بند ات رہن آلا لوکاں اور بکھ بکھ تنظیمیں غی طرفوں منعقد کیو گیو۔ کٹڑا مانہ یوہ بند اس مجوزہ روپ وے پروجیکٹ غے خلاف احتجاج غے طور ور کیو گیو، جس مانہ تارا کوٹ تیں سانجھی چھت تک غی تجویز ہے۔ احتجاج کاران نانہ ڈر ہے جے اس مجوزہ روپ وے پروجیکٹ غی وجہ نال ان لوکاں گا گذر بسر ور منفی اثر پے سکے جہڑا یا تریاں واسطے روائتی رستہ ور منحصر ہیں۔ حکام نے احتجاج کاران نانہ کہیو ہے جے ویں اپنا مطالبات غا حل غی خاطر گل کریں۔

مزید خبریں نال محمد مبارک ماہر۔ ور اس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن ائیر ڈاٹ گوو ڈاٹ ان ور وی (دستیاب ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں)

Christmas

ملک گا دوجا حصاں غی طرح پورا جموں خطہ مانہ کرسمس غو تہوار بڑا جوش و خروش نال منایو جا رہیو ہے۔ دنیا پھر مانہ عیسائی برادری کرسمس نانہ یسوع مسیح غی پیدائش غا طور ور مناوے۔ اس تہارے تحفاں غا تبا دلہ غے نال نال کہراں نانہ کرسمس غا درختان، روشن کاغذی ستاراں سنگ سجا گے منایو جائے۔ جموں پھر غا گرجا کھر متحرک روشنیاں تے خوبصورتی سنگ سجیا کرسمس درختان نال مزین ہیں، اور یہ خصوصی خدمات تے تقریبیں غی میزبانی کر رہیا ہیں۔ اس تہواری موقعہ ور لیفٹنٹ گورنر منوج سنہا تے وزیر اعلیٰ عمر عبداللہ نے اس لوکاں نانہ مبارکباد پیش کرتاں واں ساراں واسطے امن، خوشی تے آپسی بھائی چارہ غی دُعا کی ہے۔ جموں مانہ کرسمس غی تقریب اتحاد تے شراکت داری غی عکاسی کریں۔ کیونجے متنوع پس منظر غا لوک محبت

تے ہمدردی گا پیغام غا احترام غا سلسلہ مانہہ اکھٹا ویں۔ مہارا ضلع نامہ نگار انکش شرما
سنگ گل کرتاں واں لوکاں نے اس طرح کہیو۔۔ بائٹ۔۔

Weather

وادی کشمیر مانہہ زیادہ تر مقامات ور کہٹوں کہٹ درجہ حرارت مانہہ کمی ہوئی ہے۔
وادی کشمیر سخت ٹھنڈی چپیٹ مانہہ ہے۔ جس غا نتیجہ مانہہ مچ سار پانی غا ذخیرہ
جم گیا ہیں اور گجھ علاقہ مانہہ پانی غی ترسیلی لائن بند ہو گئیں ہیں۔ محکمہ موسمیات
نے دسیو ہے جے سرینگر مانہہ کل رات منفی 7 عشاریہ 3 ڈگری سلیس درجہ حرارت
درج کیو گیو ہے۔ جہڑو گذشتہ رات غا منفی 6 عشاریہ 6 ڈگری سلیس تیں کہٹ ہے۔
محکمہ نے اگلا 2 تہاڑاں مانہہ وادی کشمیر مانہہ کہٹوں کہٹ درجہ حرارت مانہہ 2 تیں 3
ڈگری کہٹ ہون بارے پیشنگوی کی ہے۔ گلرگ تیں علاوہ وادی کشمیر غا دوجا تمام
موسمی مرکزیاں ور رات غو درجہ حرارت کہٹ ہووے۔ عہدیداراں نے دسیو ہے جے
وادی کشمیر فی الحال 21 دسمبر نانہہ شروع ہون آلی 40 تہاڑاں غی سخت ترین ٹھنڈی
مدت چلے کلاں غی گرفت مانہہ ہے۔ محکمہ نے دسیو ہے جے 27 دسمبر تیں بعد
دوپہر تک اگلے تہاڑے پیشی ویلے تک اوجپیں تہاریں ہلکی برفباری غو امکان ہے۔ جدکہ
30/29 تے 31 دسمبر نانہہ موسم بنیادی طور ور خشک رہے۔ نواں سال غا موقعہ ور
بکھ بکھ اوجپیاں تہاراں ور ہلکی برفباری غو امکان ہے تے 1 تیں 4 جنوری تک وادی
کشمیر مانہہ وی گجھ اک مقامات ور ہلکی برفباری غو امکان ہے۔

Sadiav Atal Memorial

صدر جمہوریہ درویدی مرمو، نائب صدر جمہوریہ جگدیپ دھنکڑ تے وزیر اعظم
نریندر مودی نے اج سابق وزیر اعظم اٹل بھاری واجپائی نانہہ اُن غا 1 سواں جنم تہاڑا ور
خراج عقیدت پیش کیو۔ اُنہاں نے دہلی مانہہ سابق وزیر اعظم غی یادگار ور پُھل چاڑیا۔
سابق صدر جمہوریہ رام ناتھ کویند، مرکزی وزیر داخلہ امت شاہ، کول سبھا غا اسپیکر اوم
برلا، آندھرا پردیش غا وزیر اعلیٰ این چندر بابو نائڈو تے مرکزی وزیر تے بی جے پی غا
صدر جے پی نڈا وی خراج عقیدت پیش کرن آلا دوجا افراد مانہہ شامل تہا۔

Shah Vajpayee

مرکزی وزیر داخلہ امت شاہ نے اک کہیو ہے جے سابق وزیر اعظم اٹل بھاری
واجپائی غی بہتر سرکار اور عوامی بہبود بارے لگن مستقبل غی نسلان نانہہ رہنمائی
دینو جاری رکھے گی۔ سابق وزیر اعظم نانہہ اُن غی جنم صدی ور خراج عقیدت پیش
کرتاں واں جناب شاہ نے کہیو جے جناب واجپائی نے ملک مانہہ اپنی لگن تے تصور نال
ترقی تے بہتر سرکار غو اک نوں دور شروع کیو ہے۔ جناب شاہ نے دعو کیو ہے
جے اٹل بھاری واجپائی غی خدمات ملک غا نوجوانان نانہہ رہبری دینو جاری رکھیں گی۔

اس غے نال ہی خبراں غو یوہ بلیٹن ختم ہووے۔